

Broj: 01-45-1-133

Dana: 12. 11. 2021. godine.

**PARLAMENT FEDERACIJE BOSNE I HERCEGOVINE**  
**DOM NARODA**  
n/r Izmir Hadžić, sekretar

**PARLAMENT FEDERACIJE BOSNE I HERCEGOVINE**  
**DOM NARODA**  
n/r Nijaz Musić, delegat

**VLADA FEDERACIJE BiH**  
n/r Edita Kalajdžić, sekretar Vlade

Bosna i Hercegovina  
Federacija Bosne i Hercegovine  
**PARLAMENT FEDERACIJE**  
SARAJEVO

Primljeno:		16-11-2021	
Org. jed.	Broj	Priloga	Vrijednost
05/2	-02-	425	129

Predmet: Odgovor na delegatsko pitanje delegata Doma naroda  
Parlamenta Federacije BiH Musić Nijaza, dostavlja se.-

Veza: Akt Doma naroda Parlamenta Federacije BiH broj: 05/2-02-425/21  
od 8. 11. 2021. godine.

Poštovani,

aktom, broj i datum veze, dostavljeno je delegatsko pitanje Federalnom ministarstvu unutrašnjih poslova, koje je delegat Doma naroda Parlamenta Federacije BiH Musić Nijaz postavio na 14. sjednici, održanoj 4.11. 2021. godine.

S tim u vezi, a u skladu sa članom 75. Poslovnika o radu Vlade Federacije Bosne i Hercegovine - Prečišćeni tekst („Službene novine Federacije BiH“, br. 6/10, 37/10 i 62/10), sačinjen je odgovor na postavljeno pitanje u dijelu koji se odnosi na nadležnosti federalnog ministra unutrašnjih poslova.

Shodno postupku izbora direktora Federalne uprave policije, koji je propisan Zakonom o unutrašnjim poslovima Federacije Bosne i Hercegovine („Službene novine Federacije BiH“, broj 81/14), Nezavisni odbor je raspisao i proveo javni konkurs, te utvrdio Listu od tri kandidata koji ispunjavaju sve uvjete konkursa i dostavio je federalnom ministru unutrašnjih poslova.

Zaprimljenu Listu kandidata ministar, kao što je i propisano članom 53. pomenutog zakona, dostavio je Vladi Federacije Bosne i Hercegovine u čijoj nadležnosti je imenovanje direktora Federalne uprave policije.

Vlada Federacije Bosne i Hercegovine na 273. sjednici, održanoj 8.7.2021. godine, nakon razmatranja Liste kandidata za direktora Federalne uprave policije, izjasnila se o tom pitanju i donijela Zaključak V. broj: 1132/2021 od 8.7.2021. godine, kojim, zbog protoka vremena, preporučuje Nezavisnom odboru Parlamenta Federacije Bosne i Hercegovine da poništi provedeni Javni konkurs i ubrza proceduru za raspisivanje novog konkursa.

Imajući u vidu navedeno, smatram da sam kao federalni ministar unutrašnjih poslova, u postupku izbora direktora Federalne uprave policije, izvršio sve neophodne radnje za koje sam zakonom ovlašten.

Ujedno napominjem da u postupku izbora direktora Federalne uprave policije, nadležnosti ministra, nakon prosljeđivanja Liste kandidata Nezavisnog odbora Vladi Federacije Bosne i Hercegovine, su iscrpljene i ne raspoložem drugim ovlaštenjima kojima bih mogao uticati na postupak imenovanja direktora Federalne uprave policije.

S poštovanjem,

